



暖水

寒天時節轉夜後，佢最好先早盆燒水來好好洗下浴，撈寒氣通盤逐走，分歸身燒暖。好得，現下生活緊來緊利便，洗浴毋使管天時有幾寒、也毋使管麼個時間，出燒水個水龍頭早下開來，熱水器黏時就暖出會嬾人個燒水，想愛幾多就有幾多，毋使等、乜毋使愁燒水毋罈。係頭擺，從起火暖水起勢，到有燒水好盤來洗浴，最少愛等十過二十分鐘，想愛有一桶燒水，實在無恁該！

頭擺戴老屋個時節，放學在屋脣爽，到臨暗，係有脛著自家屋下个煙囪竈出薰，就知愛轉屋洗浴咧！佢個老屋灶下有一個大埔鑊，逐日阿姆會暖水分大家洗浴，等佢較大兜，佢愛出門上班，就教阿哥撈佢暖水。雖然老屋拆忒後有盡久毋識用大灶來暖水咧，毋過到今佢還清清楚楚記得愛仰般形來暖水。暖水前，先撈冷水盤到埔鑊差毋多有八分沁，再過撈灶空肚個火灰撩淨，正撈較過火個杈仔放入灶空肚座底、較耐火個樵疊在杈仔面頂，續等就起火，等火猛兜，就撈灶空門關起來聽火著个聲，係火當猛，就會聽著「lung! lung! lung!」个聲音，係無恁大聲咧，就係火較過，無恁猛咧，愛打開灶空門，用火鉗夾兜樵窿入灶空肚，再過撈灶空門關起來，一直愛等水暖到罈燒、做得洗浴為止。

暖水毋單淨係窿火定定，有閒還愛先撈樵析準備好勢，暖水個時節正罈燒。該量時个放寮日，阿爸會去田畝剝竹、剝樹樑，阿哥撈佢就愛掄手撈竹仔、樹樑拉轉屋後背个樵堆放，阿姆就撈較幼个竹仔、樹樑用禾稈紮起來做杈仔，較粗个就剝截，放分日頭炙燥，正疊在屋簷下。等灶空脣个樵燒忒咧，就做得提來燒。因為家家屋屋愛盡多个樵來暖水，大家行路、堵到起大風个時節，係有脛著跌下來个樹樑，抑係脛著溪壩肚有分水打出來个樵，通盤會撈轉屋下燒。撈這下大體家庭用瓦斯熱水器，燒水隨時有，樵變到無人愛燒，還愛請工清運走比起來，實在有盡大个爭差。毋過，對佢來講，毋管這下用燒水有幾方便、有幾久無暖水咧，佢還係清楚脛著用大灶暖水該時樵析燒出來个猛火，還有聽著爺哀辛苦剝樵个聲音。

作者：林伯殷

☆詞彙學習☆

【旱盆燒水】honˊ pun shauˊ fiˊ：放一盆熱

水。

【嬾人】lug ngin：燙人。

【暖水】nonˊ fiˊ：燒熱水。

【薰】funˊ：煙。

【埔鑊】pu lo：高且深的大鍋。

【盤到】pan doˊ：把東西從現在的器物內換裝到另個器物內。

【過火】goˊ foˊ：易燃的。

【窿入】lung ngib：把東西放入洞內。

☆文法學習☆

【……毋單淨……定定，還愛……】……不只是……而已，還要……：提醒或強化的句型，直述句後接一個重點，再用「還愛……」提示另一個重點。

例1：做人爺哀毋單淨係賺分屋下人食定定，還愛做好樣，教養子女。（為人父母不只是賺錢養家而已，還要做好榜樣，教養子女。）

例2：在學校讀書毋單淨係學習知識定定，還愛學習做人个道理。（在學校讀書不只是學習知識而已，還要學習做人的道理。）